

La diwaan galiyay: 7/17/2018 Xeerarka Dugsiyada Dadwaynah ee Saintt Paul 534.00 Dib loo Saxay:

534.00 LACAGTA CUNTADA EEN LA BIXININ

## I. U' JEEDDO

Dugsiyada Dadweynaha ee Saint Paul (SPPS) waxay aaminsanyihiin in ardayda sida wanaagsan loo nafaqeyay ay u diyaarsanyihiin inay wax bartaan. U'jeeddada xeerkani waa in la hubiyaa in ardayda SPPS ay helaan cunno nafaqaysan oo caafimaad ah iyadoo loo soo marinayo Barnaamijka Nafaqada Carruurta, islamarkaana ay iskuullada, shaqaalaha iyo qoysasku ay isku si u fahamsanyihiin uguna xisaabtamayaan qimaha iyo kharashaadka cunnada. Xeerkani wuxuu sahlayaa in meesha laga saaro in ardayda aan iska bixin karin kharashka cunnada lagu ceebeeyo, islamarkaana la hubiyo in iskuulladu helaan kharash ay ku dabaraan barnaamijka nafaqada ardayda.

## II. BIXINTA LACAGTA CUNTADA

- A. Sanad walba, qoysasku waa inay buuxiyaan Foomka Macaashka waxbarashada/Cuntada Lacag la'aanta ah ama Qiimaheeda la Dhimay.
  - 1. Qoysaska hela waraaq sheegaysa inay xaq u leeyihiin oo si toos ah loo aqoonsaday inay heli karaan cuntada lacag la'aanta ah ama qiimaheeda la dhimay inta ka horreysa bisha Sebteembar 1, uma baahna inay soo buuxiyaan arjiga macaashka waxbarashada.
  - 2. Siyaabo kala duwan ayaa qoysaska loogu diyaarin doonaa arjiyada sida in boostada ama email ahaan loogu soo diro ka hor billowga sanad-dugsiyeedka, ama in la dhigo xafiiska iskuulka, ama barta internet-ka ee Waaxda Nafaqada, ama in laga dalban karo Waaxda Cunnada.
  - 3. Qoysasaka u baahan in laga caawiyo buuxinta arjiga waxay la xiriiri karaan Waaxda Cunnada ama xafiiska iskuulkooda.
- B. Lacag ayaa lagu shubi karaa santuuqa cunnada ee ardayga iyadoo la isticmaalayo lacag caddaan ah, jeegag ama kaararka bangiyada. Habka loo bixiyo lacagaha cunnada waxaa laga heli karaa barta internet-ka ee Waaxda Cunnada ee SPPS, ama waxaad ka ogaan kartaa xafiiska iskuulkaaga.
- C. Dhammaan ardayda waxaa la siinayaa cunto iyadoon loo eegaynin in santuuqoodu maranyahay ama lacag ay ku jirto.
  - 1. Sharci ahaan Dagmadu kuma khasbana inay cunto siiso ardayda aan xaq u lahayn cunmtada lacag la'aanta ah ama qiimaheeda la dhimay, islamarkaana uu maranyahay santuuqooda. Hase ahaatee, SPPS waxay aaminsanyihiin in ay ku jirto danta dhammaan bulshada iskuulladeena in arday kasta uu helo cunto nafaqaysan.
  - 2. Ardayda loo ansixiyey cuntada lacag la'aanta aha ama qiimaheda la dhimay ee ka diwaan-gashan barnaamijka Community Eligibility Provision, waxay helayaan cunto xitaa haddii uu santuuqoodu maranyahay ama lacag la'aan yahay.

3. Ardayda iyagu iska bixiya lacagta cuntada oo “gacanta ku haysta lacag” iyagana waa la siinayaa cunto xitaa haddii uu santuuqoodu tusinayo in lacag lagu leeyahay.
4. Haddii arday lacagta cuntada lagu leeyahay, jawaab-celintu waxay noqonaysaa sida lagu sharaxay qeybta hoose ee IV. Haddii uu waalidku/masuulku bixin waayo lacagaha cuntada ee lagu leeyahay kaddib markii dhowr jeer la war-galiyay, waxaa laga yaabaa in ardayga la siiyo cunto ka nooc duwan tan caadiga ah.
5. Cuntooyinka ka nooc duwan kuwa caadiga ah waa in ardayga lagu siiyaa meel asturan si ixtiraam ku jirana loo siiyaa.
6. Ma jiri doono cunto si gaar ah loo dalban karo ilaa ay ardayga santuuqiisu ku jirto lacag ku filan kharashka cuntada.
7. Marnaba ma dhici karto in arday lagala noqdo cunto la siiyay.

### III. OGEYSIINTA MARKA LACAGTA CUNTADA EE ARDAYGU DHAMAATO AMA YARAATO

A. Marka lacagta ku jirta santuuqa ardayga ay yaraato ama dhamaato, waxaa la qaadaa tallaabooyinka soo socda si waalidka/masuulka loo ogaysiiyo:

1. Marka uu santuuqa cuntada ee ardayda dugsiyada hoose gaaro in lagu yeesho kharash dhan labo cunto, macallinka ardayga ayaa loo sheegaa inuu akhbaar u diro waalidka/masuulka oo loogu sii dhiibo ardayga.
2. Dhammaan ardayda SPPS:
  - i. Marka uu santuuqa cuntada ee ardayda dugsiyada hoose gaaro in lagu yeesho kharash dhan shan cunto, waxaa waalidka farriin cod ah loogu diraa telefoonka.
  - ii. Marka uu santuuqa cuntada ee ardayda dugsiyada hoose gaaro in lagu yeesho kharash dhan shan cunto, Xafiiska Waaxda Nafaqada ayaa waalidka u dira waraaq, iyadoon la faafinaynin laakiin si asturan oo ixtiraam ku jiro ayaa loogu diraa.
  - iii. Marka uu santuuqa cuntada ee ardayda dugsiyada hoose gaaro in lagu yeesho kharash dhan toban cunto, waxaa la ogeysiiyaa maamulaha iskuulka. Shaqaalaha iskuulka ayaa la hadla waalidka ardayga si ay u qiimeeyaan baahida qoyska una caawiyaan, islamarkaana u dalbadaan in la bixiyo lacagta cuntada.

### IV. LACAGTA CUNTADA EEN LA BIXININ

- A. Dadaalka loo galayo in lagu bixiyo lacagaha cuntada ee lagu leeyahay ardayda marnaba ma fuquuqayaan mana ceebaynayaan ardayga.
- B. Degmadu waxay ku dadaali doontaa inay qoysaska la xiriirto sidii loo xallin lahaa bixinta lacagaha cuntada. Qoysaska waxaa lagu dhiirri galinayaa inay soo buuxsadaan arjiga cunnada lacag la'aanta ah ama qiimaheeda la dhimay si ay ilmahoodu u helaan cunto. Qoysasak horay u buuxiyay arjiga ee uu ku yimid qoyskooda is-baddal xooggan oo dhinaca tirada sida dhalasho ilmo cusub ama is-baddal dhaqaale waa inay mar labaad soo buuxiyaan arjiga. Qoysaska ay ku adag tahay inay iska bixiyaan lacagta cuntada waxay la soo xiriiri karaan Waaxda Nafaqada si loogu sameeyo qorshe ay iskaga bixiyaan lacagta cuntada.

C. Degmadu waxay dadaal ku bixin doontaa inay soo xarayso daymaha lacagta cuntada; laakiin, marka dadaalkani keeni waayo wax natiijo ah oo uu lacagta soo xarayn waayo, daymaha waxaa dib loogu soo celiyaa iskuulka waxaana laga soo jaraa miisaaniyadda iskuulka si loogu bixiyo lacagta cuntada.

D. Degmadu marna kama qeybgalin doonto kamana dalban doonto in qof aan ka tirsanayn shaqaalaha degmada uu soo aruuriyo daymaha lacagta cuntada, sida dad samaynaya tabarucaad ama shirkadaha daymaha soo aruuriya.

## V. XEERKA KU AADDAN XIRIIRKA

- A. Xeerkan iyo dhammaan macluumaadka kale ee ka hadlaya hawshan waxaa lagu diyaarin doonaa qaab qoraal ah (sida: in lagu soo diro boostada, email, buugga back-to-school, buugga gacan-qabsiga ee ardayda, tababarka shaqaalaha, iwl.) waxaana loo gudbin doonaa:
1. Dhammaan qoysaska ka hor intuuusan billaabanin sanad-dugsiyeed kasta;
  2. Ardayda iyo qoysaska u soo baddasha iskuullada dagmadeena, xilliga lagu jiro diiwaan-galinta; iyo
  3. Dhammaan shaqaalaha iskuullada ee degmada ee masuulka ka ah hawlaha diiwaangalinta.
- B. Sidoo kale, xeerkan waxaa lagu daabici doonaa barta internet-ka ee Degmada.

## TIX-RAACA SHARCIYADA

Minn. Stat. § 124D.111, Subd. 4

42 U.S.C. § 1751 *et seq.* (Healthy and Hunger-Free Kids Act)

7 C.F.R. § 210 *et seq.* (School Lunch Program Regulations)

7 C.F.R. § 220.8 (School Breakfast Program Regulations)

USDA Policy Memorandum SP 46-2016, Unpaid Meal Charges: Local Meal Charge Policies (2016)

USDA Policy Memorandum SP 47-2016, Unpaid Meal Charges: Clarification on Collection of Delinquent Meal Payments (2016)

USDA Policy Memorandum SP 23-2017, Unpaid Meal Charges: Guidance and Q&A

## TIX-RAACA SHARCIGA KALE:

Policy 533.00 – Wellness